



ЎЗБЕКISTON RESPUBLIKASI SOG'LIQNI SAQLASH VAZIRINING BUYRUG'I

20 23 yil " 26, июль

№ 179

Toshkent sh.

2023/2024 ўқув йилида клиник ординатура (резидентура)га қабул қилиш тўғрисида

Ўзбекистон Республикаси Президентининг 2022 йил 15 июндаги «Давлат олий таълим муассасаларига ўқишга қабул қилиш жараёнларини ташкил этиш тўғрисида»ги ПҚ-279-сон қарорига, Ўзбекистон Республикаси Президентининг 15 июнь 2023 йил йилдаги «2023/2024 ўқув йили учун давлат олий таълим муассасаларига ўқишга қабул қилишнинг давлат буюртмаси параметрлари тўғрисида»ги Ф-31-сон фармойиши, Ўзбекистон Республикаси Президентининг 2022 йил 30 августдаги "Ўзбекистон Республикаси Президентининг тадбиркорлар билан 2022 йилдаги "очиқ мулоқоти"да белгиланган вазифаларни амалга ошириш чора-тадбирлари тўғрисида" ПҚ-364 қарори билан тасдиқланган "Йўл харита"нинг 40-бандидаги "Клиник ординатурада мутахассис тайёрлаш тизимини такомиллаштириш" бўйича белгиланган вазифаларга мувофиқ ҳамда тиббиётнинг долзарб йўналишлари бўйича Қорақалпоғистон Республикаси, Тошкент шаҳар ва вилоятларда тиббиёт кадрларига бўлган эҳтиёж ва талабни эътиборга олиб, **буюраман**

1. Қуйидагилар:

Клиник ординатура (резидентура) орқали тиббиёт кадрларни 2023/2024 ўқув йилида тайёрлаш бўйича мутахассисликлари ва уларга мувофиқ келувчи бакалавриат таълим йўналишлари рўйхати 1-иловага мувофиқ;

2023/2024 ўқув йилида тиббиёт олий таълим ва илмий муассасалари ва вилоятлар бўйича клиник ординатура (резидентура) мутахассисликларида ўқитиш учун ўринлар сони 2-иловага мувофиқ;

2023/2024 ўқув йилида тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари кесимида клиник ординатура (резидентура)га умумий ва мақсадли қабул режаси 3-иловага мувофиқ;

Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтларида 2023/2024ўқув йилида клиник ординатура (резидентура) қабули **тест синовларини ташкил этиш жадвали 4-иловага мувофиқ;**

2023/2024ўқув йилида клиник ординатура (резидентура)га қабул бўйича **масъул котиблар рўйхати 5-иловага мувофиқ;**

Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари клиник ординатор (резидент)ларини «Ўзбекистонни ривожлантириш стратегияси, Фуқаролик жамияти» фанини ўқитиш учун Тиббиёт ходимларининг касбий малакасини ривожлантириш **маркази ва тиббиёт олий таълим муассасаларига бириктириш жадвали 6-иловага мувофиқ;**

2023/2024ўқув йилида клиник ординатура (резидентура)га қабул қилиш тўғрисидаги **ҳисобот шакллари 7-иловага мувофиқ тасдиқлансин.**

2. Белгилансинки:

2023/2024 ўқув йили қабулида:

клиник ординатура мутахассисликларига ўқишга қабул қилиш икки босқичда амалга оширилади. Бунда, тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари томонидан танланган мутахассисликка мос равишда тегишли бакалаврият таълим йўналишлари фанлари негизида кириш синов имтихонлари амалга оширилади, бунда фанлар бўйича **кириш имтихонлари тест синовлари шаклларида** ўтказилади;

клиник ординатура мутахассислигига мос равишда тегишли бакалаврият таълим йўналишлари бўйича имтихонлар натижалари синовлар ўтказилганидан кейин уч кун муддатда таълим муассасаси томонидан идоралараро электрон ахборот алмашинув тизими орқали Соғлиқни сақлаш вазирлигига тақдим этилади ҳамда мазкур муассасанинг расмий веб-сайтида эълон қилинади.

2023/2024ўқув йили **Болалар миллий тиббиёт марказида** қуйидагилар амалга оширилсин:

«Болалар кардиохирургияси» мутахассислиги бўйича клиник ординатура (резидентура) ташкил этилсин;

етук маҳаллий ва халқаро тажрибага асосланган мутахассислик бўйича ўқув дастур тузилсин;

«Болалар кардиохирургияси» мутахассислиги бўйича клиник ординатура (резидентура)га «Болалар хирургия» магистратураси ёки «Болалар хирургия» клиник ординатура (резидентура)си мутахассисликлари битирувчилари ҳужжат топширишга руҳсат этилсин ва умумий танлов асосида қабул қилиниши таъминлансин;

амалиётга йўналтирилган ўқиш жараёни юқори савияда ташкиллаштирилсин;

ўқиш муддати – 3 йил этиб белгилансин.

3. 2023/2024ўқув йили Россия Федерацияси Соғлиқни сақлаш вазирлиги **Н.И. Пирогов номидаги Россия миллий тадқиқот тиббиёт университетида Ўзбекистон Республикасининг 35 нафар фуқароси таълим оладиган олий таълимнинг ўқув дастурлари — ординатура дастурлари рўйхати 8-иловага мувофиқ тасдиқлансин;**

2023/2024ўқув йили Россия Федерацияси Соғлиқни сақлаш вазирлиги Н.И. Пирогов номидаги Россия миллий тадқиқот тиббиёт университетининг (кейинги ўринларда - РМТТУ) ординатура мутахассисликларига Ўзбекистон Республикаси фуқароларини **ўқишга қабул жараёни тартиби 9-иловага мувофиқ тасдиқлансин;**

Ўзбекистон Республикаси фуқаролари учун қабул параметрлари сони клиник ординатура мутахассисликлари кесимида 2023/2024 ўқув йили учун РМТТУ томонидан тасдиқланади, бунда умумий танловдан ўтганлар учун ўқиш тўлов контракт асосида амалга оширилиши инобатга олинсин;

2023/2024ўқув йили РМТТУ ординатура танловида юқори балл олиб ўқишга қабул қилинган Ўзбекистон Республикасининг 35 нафар фуқароси учун Соғлиқни сақлаш вазирлиги ҳузуридаги “Иқтидорли ва малакали тиббиёт мутахассисларини қўллаб-қувватлаш ҳамда тиббиёт муассасаларига жалб қилиш жамғармаси фонди” ҳисобидан **ўқиш тўлов контракт суммаси қопланиши белгилансин.**

Тиббиёт олий таълим муассасалари ректорлари Раёсати раиси (Б. Даминов), Тиббиёт олий таълим муассасалари ректорлари ва филиаллари директорлари (А. Шадманов, Б. Даминов, Н. Хайдаров, О. Атаниязова, Ж. Ризаев, А. Мадазимов, Ш. Тешаев, А. Сидиков, Р. Рўзибаев, Ф. Отакулов)га: Республика тиббиёт олий таълим муассасаларида танлов босқичлари юқори савияда амалга оширилсин, бунда:

2023 йилнинг 1-4 август кунлари ҳар бир тиббиёт ОТМ да дастлабки танлов (суҳбат)дан ўтказиш бўйича Ишчи гуруҳни шакллантириш, талабгорларни рус тилида дастлабки танлов (суҳбат)дан ўтказиш;

2023 йил 5-10 август кунлари Ишчи гуруҳ томонидан танловда иштирок этишга тавсия этилган абитуриентлар ҳужжатларини Н.И. Пирогов номидаги Россия миллий тадқиқот тиббиёт университети ординатура мутахассисликларига

қабул бўйича эълон қилинган веб-сайтда топшириш ва рўйхатдан ўтиш жараёнини олиб бориш, ординатура мутахассисларига қабул танлови онлайн тест саволлари бўйича абитуриентлар ўз-ўзини назорат қилиш учун имкониятлар яратиш;

2023 йил 11- 16 август кунлари абитуриентларнинг Н.И.Пирогов номидаги Россия миллий тадқиқот тиббиёт университети ординатура мутахассисликларига қабул бўйича онлайн форматдаги тест синовларида иштирок этишларини марказлашган ҳолда Тошкент педиатрия тиббиёт институти ҳудудида ташкил этиш.

4. Қорақалпоғистон Республикаси соғлиқни сақлаш вазири (М.Курбанов), Тошкент шаҳар ва вилоятлар соғлиқни сақлаш бошқармаси бошлиқлари, Тиббиёт ходимларининг касбий малакасини ривожлантириш маркази (Х.Акилов), Тиббиёт олий таълим муассасалари ректорлари (А.Шадманов, Б.Даминов, Н.Хайдаров, О.Атаниязова, Ж.Ризаев, А.Мадазимов, Ш.Тешаев, А.Сидиков, Р.Рўзибаев, Ф.Отакулов)

уч кун муддатда, 2023/2024 ўқув йилидан бошлаб, юқори малакали илмий-амалий кадрлар потенциали мавжуд, замонавий моддий-техник базага эга ва клиник ординаторларни ўқитиш бўйича таълим дастурлари мавжуд хусусий клиникаларда клиник ординатурада мутахассис тайёрлаш тизимини жорий этиш истагини билдирган ва меъърий ҳужжатлари талаб ва шартларга жавоб берадиган хусусий клиникалар томонидан Вазирликка талабнома ва тасдиқловчи ҳужжатлар тақдим этилиши эълон қилинсин:

клиник ординатурада мутахассис тайёрлаш бўйича даъвогар бўлиб, Соғлиқни сақлаш вазирлигига 2023-2024 ўқув йилига талабнома тақдим этган хусусий клиникаларни (кейинчалик – Хусусий клиника) амалдаги қонунчиликка мувофиқ талабларга мос эканлигини аниқлайдиган ва таълим жараёни бошланишини белгилайдиган Соғлиқни сақлаш вазирлиги комиссияси (кейинчалик - Комиссия) ташкил этилсин ва **Клиник ординатурада мутахассис тайёрлаш бўйича даъвогар хусусий клиникаларни амалдаги қонунчиликка мувофиқ талабларга мослигини аниқлаш Комиссия аъзолари рўйхати 10-иловага мувофиқ тасдиқлансин.**

2023 йил 1 август кунига қадар, Комиссия аъзолари томонидан Хусусий клиникалардан талабномалар йиғиб умумлаштирилсин, тўлиқ маълумот Вазирликда муҳокамага тақдим этилсин, қуйидаги талабларга жавоб бериши батафсил текширилсин:

Вазирлар Маҳкамасининг 2009 йил 18 декабрдаги “Тиббиёт ходимлари малакасини ошириш ва уларни қайта тайёрлаш тизимини такомиллаштириш тўғрисида”ги 319-сон қарори билан тасдиқланган 2-иловадаги Клиник ординатура тўғрисидаги Низом талаблари;

Ўзбекистон Республикаси Президентининг қарори, 2020 йил 7 апрелдаги ПҚ-4666-сон Президент Қарорининг 12-бандида белгиланган талаблар;

Ўзбекистон Республикаси Вазирлар Маҳкамасининг 25 феврал 2022 йилдаги “Фаолиятни бошлаш ёки тугатиш учун ваколатли органни хабардор қилиш тартиби тўғрисидаги ягона Низомни тасдиқлаш ҳақида”ги 88-сон қарорида 7-илова билан тасдиқланган “Кадрлар малакасини ошириш ва уларни қайта тайёрлаш фаолиятининг Паспорти”да белгиланган талаблар ва шартларга мажбурий жавоб берган ҳолда, Олий таълим, фан ва инновация вазирлигига **Кадрлар малакасини ошириш ва уларни қайта тайёрлаш фаолияти тўғрисида хабарнома берилганлиги;**

Ўзбекистон Республикаси Вазирлар Маҳкамасининг 21 феврал 2022 йилдаги “Махсус электрон тизим орқали айрим фаолият турларини лицензиялаш тартиби тўғрисидаги ягона низомни тасдиқлаш ҳақида”ги 80-сон Қарорнинг 2-иловадаги Махсус электрон тизим орқали айрим фаолият турларини лицензиялаш тартиби тўғрисидаги ягона Низомга асосан, Нодавлат таълим хизматларини кўрсатиш соҳасидаги фаолиятни лицензиялаш Паспортида белгиланган лицензия талаблари ва шартларига мос бўлган ҳолда, Лицензияловчи орган - Олий таълим, фан ва инновация вазирлигидан Нодавлат таълим хизматларини кўрсатишни амалга ошириш учун **лицензия мавжудлиги.**

Комиссия хулосасига мувофиқ, комиссия аъзолари томонидан қуйидагилар амалга оширилсин:

клиник ординатурада мутахассис тайёрлаш бўйича даъвогар бўлиб, Соғлиқни сақлаш вазирлигига 2023-2024 ўқув йилига талабнома тақдим этган хусусий клиникаларни амалдаги қонунчиликда белгиланган шарт ва талабларга мос бўлганларини танлаб олиб, Клиник ординаторларни ўқитиш ваколати берилган Хусусий клиникалар руйхатини тузиш.

Бунда,

ҳар бир Хусусий клиникага сифатли таълим жараён амалга ошириш имкониятидан келиб чиқиб:

ўқитиладиган мутахассисликлар руйхати;

қабул квоталари кўрсаткичлари;

қабул жараёни учун масъул котиблар номзодларини белгиласин ва Комиссия йиғилиши Баёни билан тасдиқласин;

қабул жараёни ўрнатилган талабларга мос равишда амалга оширилсин (ушбу буйруқни 10 бандига мувофиқ);

Тиббиёт олий таълим муассасаларини клиник ординатура мутахассисларни тайёрлайдиган Хусусий клиникаларга ҳудудлар кесимида бириктирилиш тақсимотини 11-иловага мувофиқ тасдиқласин;

бириктирилган тиббиёт олий таълим муассасалари хусусий клиникаларга қабул жараёни, назарий таълим жараёни, сифатли узлуксиз таълим жараёни, билим ва кўникмалар назоратида методик ёрдам кўрсатиш олиб борсин;

оралиқ ва якуний назорат жараёнларида, 2 босқичли якуний давлат аттестация жараёнларида бириктирилган тиббиёт олий таълим муассасалари масъул ходимлари, Қорақалпоғистон Республикаси соғлиқни сақлаш вазирлиги, Вилоятлар соғлиқни сақлаш бошқармаси масъуллари иштироки таъминлансин.

Клиник ординаторларни ўқитиш ваколати берилган Хусусий клиникалар ўрнатилган муддатда аккредитациядан ўтиши таъминлансин ва Вазирлик белгилаган нусхадаги Гувохнома берилишига рухсат этилсин.

5. 2023/2024 ўқув йилидан бошлаб мақсадли ва тўлов-контракт асосида ўқишга кирган клиник ординаторлар ўқув жараёни биринчи ва иккинчи (ўқиш муддати 3 йил бўлган мутахассисликлар учун) йиллари тиббиёт институтлари клиникаси ва ихтисослашган марказларда ўқитилади, ўқув даврининг битирув (иккинчи, учинчи) йилининг иккинчи семестрида (ўқув муддатининг охириги ўқув семестрида) ҳудудлардаги ихтисослашган тиббиёт марказлари филиаллари, вилоят болалар ва катталар кўп тармоқли тиббиёт марказлари, Республика шошилиш тез тиббий ёрдам маркази филиалларида ўқув амалиёт семестри ўтказилиши таъминлансин:

бунда, асосий таълим муассасаси клиник ординатор (резидент)га раҳбарлик қиладиган ходимлари томонидан мутахассиснинг ўқув режа ва ўқув (модул) дастурида кўзда тутилган барча аудитор (маъруза, семинар) соатлари онлайн тарзда ўтилсин;

ярим йиллик ва давлат аттестациясини дастлабки аккредитация билан ўтказилиши асосий таълим муассасаси томонидан таъминлансин;

Давлат аттестацияси ижобий натижаларига асосан клиник ординатор (резидент)ларга асосий таълим муассасаси томонидан ўрнатилган тартибда гувохнома берилсин;

клиник ординатор (резидент)нинг мутахассислик бўйича ўқув режа ва ўқув (модул) дастуридаги ўқув амалиёти ва мустақил таълим юкламаларининг бажарилиши ҳудудлардаги тиббиёт муассасаларининг клиник ординатор (резидент)га раҳбарлик қиладиган ходимлари томонидан назорат қилинсин.

6. Клиник ординатура (резидентура)га қабул жараёни барча учун тенг равишда **август ойида амалга оширилади**, бунда:

клиник ординатурага қабул қилиш Ўзбекистон Республикаси Олий таълим, фан ва инновациялар вазирлиги ҳузуридаги Билим ва малакаларни баҳолаш агентлиги томонида бир босқичли тест синовлари асосида амалга оширилади.

академик ва молиявий мустақилликка эга бўлмаган тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари Соғлиқни сақлаш вазирлиги томонидан навбатдаги ўқув йили учун тасдиқланган давлат гранти, эркин ва мақсадли тўлов-контракт параметрларига мувофиқ қабулни амалга оширади;

академик ва молиявий мустақиллик берилган тиббиёт олий таълим муассасалари (Тошкент тиббиёт академияси, Тошкент педиатрия тиббиёт институти, Тошкент давлат стоматология институти, Самарқанд давлат тиббиёт

университети, Андижон давлат тиббиёт институти, Бухоро давлат тиббиёт институти, Қорақалпоғистон тиббиёт институти) Соғлиқни сақлаш вазирлиги томонидан навбатдаги ўқув йили учун тасдиқланган давлат гранти ва мақсадли тўлов-контракт параметрларига мувофиқ сўзсиз қабул жараёнини ташкил этади;

академик ва молиявий мустақиллик берилган тиббиёт олий таълим муассасалари (Тошкент тиббиёт академияси, Тошкент педиатрия тиббиёт институти, Тошкент давлат стоматология институти, Самарқанд давлат тиббиёт университети, Андижон давлат тиббиёт институти, Бухоро давлат тиббиёт институти, Қорақалпоғистон тиббиёт институти) учун эркин тўлов-контракт асосидаги қабул параметрларига таълим муассасаларининг Кузатув кенгашлари томонидан зарурият бўлган ҳолда, объектив асосланган ва амалдаги қонунчиликка мувофиқ, шу жумладан тасдиқланган «Таълимнинг халқаро стандарт классификацияси» (ТХСК)даги мутахассисликларни инобатга олиб, таклиф ва ўзгартириш киритиш, тасдиқлаш ҳуқуқи берилади, бунда тегишли тиббиёт ОТМ раҳбари шахсан масъул ҳисобланади ва 2 кун муддатда ушбу ҳақидаги Кузатув кенгаш баёнини Соғлиқни сақлаш вазирлигига тақдим этади.

7. Тиббиёт олий таълим муассасалари, уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари ректорлари ва директорлари (қабул комиссиялари раислари) ҳамда клиник ординатура бўйича **қабул комиссияси масъул котиблари**:

клиник ординатура (резидентура)га ҳужжат топшириш жараёнида бакалаврият таълим йўналишлари битирувчилари, уларнинг яқин қариндошлари ва бошқа фуқароларга тўлиқ ва батафсил тушунтириш ишларини олиб бориш;

оммавий ва жамоавий мурожаатларни олдини олиш бўйича таъсирчан чораларни кўришга шахсан масъул ҳисобланади;

тиббиёт олий таълим муассасаларининг масъулиятсизлик билан ёндашган биринчи раҳбарларига ўрнатилган тартибда интизомий жазо қўлланилиши тўғрисида огоҳлантирилсин.

8. Клиник ординатура (резидентура)га ўқишга кириш учун талабгорлар тиббиёт олий таълим муассасаси ёки илмий марказ давлат ва нодавлат тиббиёт муассасалари қабул комиссиясига қуйидаги ҳужжатларни тақдим этади:

клиник ординатура (резидентура) мутахассислиги кўрсатилган ҳолда, олий таълим муассасаси (ихтисослаштирилган илмий маркази, илмий-тадқиқот институти) ректори (директори) ва нодавлат тиббиёт муассаси директори номига ариза;

олий маълумот тўғрисидаги ҳужжат (ёки дипломдан кўчирма - Ўзбекистон Республикаси олий таълим муассасаларини давлат гранти бўйича ўқиб тугатганлар учун) ҳамда унга илова;

086-У-шаклдаги тиббий маълумотнома;

конунчилик ҳужжатларига мувофиқ ўқишга киришда имтиёз берувчи ҳужжат.

Кўрсатиб ўтилган ҳужжатлар мавжуд бўлганда олий таълим муассасаси қабул комиссияси абитуриентнинг ҳужжатларини қабул қилишни рад этишга ҳақли эмас.

9. Жамоатчилик билан алоқалар бўлими (Ф. Санаев) “Ўзбекистонда соғлиқни сақлаш” газетаси (И. Соатова) билан биргаликда клиник ординатура (резидентура) қабул квоталарининг оммавий ахборот воситалари орқали эълон қилинишини таъминласин.

10. Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари раҳбарлари

2023/2024ўқув йили қабулида ҳужжат топширувчиларга қулайлик яратиш мақсадида рўйхатдан ўтиш жараёни бевосита ва онлайн тарзда – ташкилотларнинг расмий веб-сайтлари орқали амалга ошириш;

клиник ординатура (резидентура)га ҳужжатлар қабул қилишни оммавий ахборот воситаларида танлов эълон қилинган кундан бошлаб, жорий йилнинг **22 августигача (шу куни ҳам) амалга ошириш;**

ҳужжат топширувчилар ва уларнинг ота-оналарини қизиқтирган саволларга жавоб бериш учун ташкилотларда ҳафтанинг душанба-шанба кунлари соат 9:00-18:00 гача (1 сентябргача бўлган муддатда) ишлайдиган мурожаатлар маркази («Колл марказ») фаолиятини 2023 йилнинг **25 июлига** қадар ташкил этиш;

қабул қилинган ҳужжатлар тўғрисидаги маълумотни жорий йилнинг **24 августига қадар** ўрнатилган тартибда вазирлик Фан ва таълим бошқармасига топшириш;

Қорақалпоғистон Республикаси ва вилоятлар қабул режаси бўйича берилган мақсадли ўринларга танловни ҳар бир вилоят учун алоҳида ташкил этиш ва ажратилган ўринларга ушбу ҳудудларда яшовчи ёки бошқа вилоятларда ишлаш истагини билдирган шифокорларни қабул қилиш;

республика ихтисослаштирилган илмий-амалий тиббиёт марказлари ва илмий-тадқиқот институтлари учун клиник ординатура (резидентура)га берилган ўринларга танловда иштирок этувчи талабгорларга танловнинг тест синовларини 4-иловада бириктирилган тартибда ташкил этиш;

клиник ординатура (резидентура)га қабул қилиш режаси бажарилганлиги тўғрисидаги ҳисоботни жорий йилнинг 4 сентябр санасига қадар вазирликнинг Фан ва таълим бошқармасига тақдим этиш;

клиник ординатура (резидентура)га кириш учун танловда иштирок этувчи ҳар бир шифокорга унинг ҳужжатлари қабул қилинганлиги ва тест синовлари

муддати кўрсатилган маълумотнома қабул комиссияси томонидан берилишини таъминлаш;

тиббиёт олий таълим муассасалари битирувчиларини клиник ординатура (резидентура)га қабул қилган ҳар бир муассаса уларнинг ишга жойлашиш мониторингини таъминлаш мақсадида улар билан тузилган «уч ёки тўрт (ҳокимлик тўлов-контракти асосида тавсия этилганлар учун)томонлама шартнома» нусхасини ва битирувчиларга тиббиёт олий таълим муассасаси томонидан тақдим этилган «ишга қабул қилинганлик тўғрисидаги йўлланма»ни тўлдириб, улар битирган тиббиёт олий таълим муассасасига тақдим этиш;

клиник ординатура (резидентура)ни тугатган ҳар бир мутахассисни ишга жойлашиш мониторингини таъминлаш мақсадида, улар тўғрисидаги маълумотни Қорақалпоғистон Республикаси Соғлиқни сақлаш вазирлиги, Тошкент шаҳар ва вилоятлар соғлиқни сақлаш бошқармаларига тақдим этиш вазифалари юклансин.

11. Соғлиқни сақлаш вазирининг ўринбосари (У.Сабилов) ҳамда Илм-фан ва таълим бошқармаси бошлиғи (Ў. Исмаилов)

Қорақалпоғистон Республикаси, вилоятлар ва Тошкент шаҳри учун клиник ординатура (резидентура)га ажратилган ўринлар тўлдирилмаган тақдирда, уларни ҳудудий квота доирасида қайта тақсимлаш;

Тошкент шаҳрида танловдан ўтган шифокорлар, Қорақалпоғистон Республикаси ва вилоятлардаги тиббиёт олий таълим муассасалари ва уларнинг филиаллари, республика ихтисослаштирилган илмий-амалий тиббиёт марказлари, илмий-тадқиқот институтлари филиалларида ўқиш розилигини билдирган ҳолда уларни вилоят қабул режаси доирасида юбориш вазифалари топширилсин.

12. Илм-фан ва таълим бошқармаси (Ў.Исмаилов) Тиббий таълимни ривожлантириш маркази (Д.Тухтасинова) билан биргаликда Республика тиббиёт олий таълим муассасаларида янги ташкил этилган клиник ординатура (резидентура) мутахассисликлари “Болалар клиник иммунологияси”, “Болалар онкология ва гематологияси”, “Болалар кардиохирургияси”, “Паллиатив тиббий ёрдам” бўйича ўқув дастурларини 2023 йил 10 август кунига қадар тузилишини таъминласин ва Соғлиқни сақлаш вазирига тасдиқлаш учун киритсин.

13. Иқтисодиёт таҳлил ва нархларни шакллантириш бошқармаси (О.Сафаров):

жорий йилнинг 1 сентябрга қадар Соғлиқни сақлаш вазирлиги тизимида 2023/2024 ўқув йилида клиник ординатор (резидент)ларни тайёрлаш бир йиллик ўқитиш қиймати ҳисоб-китобларини ҳамда мақсадли тўлов-контракт тўлов бўйича қабул параметрлари асосида ўқишга қабул қилинган абитуриентларнинг тўлов-контракт суммаси ишлаб чиқисин;

давлат олий таълим муассасалари клиник ординатура (резидентура)сига эркин тўлов-контракт тўлов бўйича қабул параметрлари асосида ўқишга қабул

килинган абитуриентларнинг тўлов-контракт суммаси бир талабага тўғри келадиган реал харажатлардан келиб чиқиб, соғлиқни сақлаш вазирлиги томонидан белгиланган суммадан кам бўлмаган миқдорда олий таълим муассасалари томонидан мустақил белгилансин;

тиббиёт олий таълим муассасалари, уларнинг филиаллари, Тиббиёт ходимлари касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтларидаги клиник ординатор (резидент)лар учун «Ўзбекистонни ривожлантириш стратегияси, Фуқаролик жамияти» фанини икки йил мобайнида умумий 36 соат ўқитиш учун сарф-харажатлар ҳисоб-китобини ишлаб чиқиш чораларини кўрсин.

14. Ушбу буйруқ ижросининг назоратини ўз зиммамда қолдираман.

Вазир



А.Иноятов